



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LEKUCALA (P1)

LWETI 2023

EMAMAKI: 70

SIKHATSI: Ema-awa la-2

Leliphepha linemakhasi la-14.

TICONDZISO KULABAHLOLWAKO

1. Leliphepha lehlukaniwe TIGABA LETINTSATFU:
SIGABA A: Sivisiso (30)
SIGABA B: Sifinyeto (10)
SIGABA C: Takhi netimiso tekusetjentiswa kwelulwimi (30)
2. Fundza TONKHE ticondziso ngekunakisisa.
3. Phendvula YONKHE imibuto ngeSiswati.
4. Cala LESO NALESO SIGABA ekhasini LELISHA.
5. Dvweba umugca emva kwaleso naleso sigaba.
6. Tinombolo tetimphendvulo atihambisane naleto letisephepheni lemibuto njengobe tinjalo.
7. Shiya umugca emkhatsini wetimphendvulo takho.
8. Caphelisisa sipelingi/lupelomagama nendlela lowakha ngayo imisho.
9. Siphakamiso sekulawulwa kwesikhatsi:
SIGABA A: Lokungenani emaminithi la-50
SIGABA B: Lokungenani emaminithi la-30
SIGABA C: Lokungenani emaminithi la-40
10. Bhala ngebunono nangesandla lesifundzekako.

SIGABA A: SIVISISO**UMBUTO 1**

1.1 Fundza lethekesthi bese uphendvula imibuto lelandzelako.

ITHEKSTHI A

IMPHUMELELO		
1	<p>Kuba netidzingo letikhetsekile nobe kukhubateka akusho kutsi umuntfu angeke aliphumelelise liphupho lakhe. Lomini Maseko ucale kusebentisa tibuko aseneminyaka leyimfica ngobe anenkinga yekungaboni kahle lokubhalwe ebhodini. Kulapho kwavela khona kutsi unenkinga. Bothishela bakhe basola kwangatsi unebumatima bekufundza babese bameluleka ngekutsi ahlanganyele nelicembu lelitamelekelela etifundweni takhe. Loko kwenteka ngemuva kwekutsi imiphumela yakhe emsebentini wesikolo yehle.</p>	5
2	<p>Batali bakhe bamyisa kubodokotela bemehlo labasecophelweni lelisetulu kute atfole lusito. Lwentiwa lucwaningo lolubanti, kwatfolakala kutsi unesifo semehlo lesingelapheki lesingengcela emndenini kute kufinyelele esitukulwaneni sesitsatfu. Dokotela labemcwaninga wamedlulisela embili kulomunye Profesa wakaMavuso losenyuvesi yaseJozi. Kulapho watfola khona tinsita labetatisebentisa uma afundza eklasini. Waba nenhlanhla ngobe lucwaningo lwaveta kutsi kuyenteka lesifo sikubambe uvele ungasaboni sanhlobo emehlweni kepha yena abebona kalufifi. Lokwaba lishwa kulomndeni kutsi emuva kweminyaka lemitsatfu, umnakabo lomncane Dzambisa naye watfolakala anaso lesifo.</p>	10 15
3	<p>Profesa Mavuso wamentela emabhayinokhula ekutsi akhone kubona ebhodini kepha loko kwaba matima kuye. Labanye bafundzi banelunya kabi etikolweni. Kwatfolakala sekwentiwa lihlaya ngaye sekuhlekiswa ngaletinsita labetisebentisela kubona. Phela emabhayinokhula asetjentiswa bantfu labatikhiphile uma bafuna kubuka tilwane, tindzawo netakhiwo letikhashane. Lensita iyatisondzeta tibe dvutane. Bothishela bakhe abatange baphele emandla, benta lelinye lisu lekutsi bakhulise ifonti yemsebenti wakhe. Lelisu lamenta waba nemahloni. Bothishela bakubona loko, babese benta ticucwana talomsebenti ngeliphepha lelilingana nelebafundzi bonkhe.</p>	20 25
4	<p>Lomini wahlangana naSiphephile Shongwe lonenkinga yemilente lengalingani, benta bungani. Siphephile abekhaliphile engcondvweni futsi anemusa, loko kwenta bungani babo bacina, bavikelana uma labanye bantfwana bahlekisa ngabo. Bachubeka netifundvo tabo bate bafinyelela enyuvesi lapho batsatsa imikhakha leyehlukene yekuceceshwa ngekwetifiso nemakhono abo.</p>	30 35

5	Lomini wafundzela umsebenti wekuvocavoca umtimba lonebutsakatsaka lobutsite , asebentisa tandla takhe kusita tigulane. Siphephile yena wafundzela kweluleka bantfu ngekwengcondvo. Lokuhle ngabo bobabili kutsi bebakhona kwemukela bunjalo babo ngekwemphilo. Batali baLomini abafani nalabatali labavalela endlini bantfwana labanetidzingo letikhetsekile.	40
6	Esikolweni beyikhona leminyane imidlalo, Lomini wakhetsa kucula nemdanso weSipanishi. LomaShongwe umntfwana yena abetitsandzela kukhuluma, kungako wakhetsa lomsebenti lawufundzela. Ngekuhamba kwesikhatsi, Lomini watifundzisa kusebentisa lamanye emakhono lanawo njengekulalelisisa nekutentela emanotsi ekutikhumbuta. Lamakhono ngulavame kusetjentiswa ngulabo labanenkinga yemehlo, kepha tindlebe tabo tisebenta kahle. Waphotfula tifundvo takhe etikhungweni temfundvo lephakeme. Kucashwa kwakhe Litiko Letemphilo njengadokotela wekuvocavoca umtimba lonebutsakatsaka lobutsite, kwaba yimphumelelo emndenini wakhe. Lomini abenenkinga yekutishayeleva kepha wakhona kutitsengela lunyanyavu lwemoto. Umndeni wakhe ngiwo lobewumsekela ngekumshayeleva umyise emsebentini nalapho adzinga kuya khona.	45 50 55
7	Bungani baLomini naSiphephile bachubeka njalo solo bangematse nelulwimi, kusukela esikolweni kute kufinyelele lapho sebasebenta khona. Lomini waba nenhlanhla yekutsi atitfolele umyeni lowahamba wayewuvela kaMaseko ngetinkhomo temasondvo, lokwenta batali bakhe batigcabha ngaye. Ngelusuku lwemshado wakhe bantfu bebangesihlabatsi saselwandle , bagcoka babahle kwadzela tibukeli, ayiphatfwa yekudla, bekutiphihli. Intfo leyenta labanye bantfu basale babambe wangentasi ngukutsi bebangacabangi kutsi angatfola indvodza letawumtsandza ibuye ishade naye. Kulaba bebambukela phasi, inkukhu yajutjwa umlomo.	60 65
8	Lenye intfo labekayitsandza kakhulu kupheka nekubhaka, konkhe loko abekwenta ngekwelulekela yindvodzakati yakhe ngetitsako latidzingako. Kungaboni kahle akutange kwamvimbela kutsi atsandze imvelo. Abekutsandza kuphuma nemndeni wakhe bayewubuka buhle bemvelo. Tintfo letifana nekukhuphuka tintzaba abengeke akhone kutenta ngenca yesimo sakhe, kepha abesebentisa wona emabhayinokhula akhe kubuka imvelo abuye ayincome. Indvodzakati yakhe beyiba lusito lolukhulu etintfweni letinye labengakhoni kutenta uma bahleti endlini. Umyeni wakhe yena abemsita ngekumshayeleva amyise lapho abenesidzingo khona. Lomini abekusho kugcwale umlomo kutsi ubusisekile ngekuba nebantfu labangamecwayi, labamesekelako nalabamtsandzako kulesimo sakhe.	70 75
9	Kubo bonkhe bangani bakhe, kute namunye labemtsatsa njengemuntfu lonetidzingo letikhetsekile, kubo nje bebafana. Lomini utsi nanobe kucale kwaba matima kutsi emukelwe ngulabanye bantfwana esikolweni, inhliyo yakhe igcwele tibongo kuMdali kutsi yena	80

uyinkhosikati futsi ungumake lonelikusasa lelihle. Kuba netidzingo letikhetsekile kwemuntfu akumentu sehluleki emphilweni, uyakhona kufeza emaphupho akhe. Lomini uhhlala akhuluma nebangani bakhe atsi, **'Phila imphilo yakho ngalokuphelele nobe ngabe simo semphilo yakho sinjani.'** 85

[Itsetfwe ku *LOWVELD GET IT* April 2022]

- 1.1.1 Sidzingo lesikhetsekile saLomini, besifuna kutsi asebentise hlobo luni lwensita? (1)
- 1.1.2 Yini lebangele bothishela beluleke Lomini kutsi ahlanganye nemacembu latamelekelela uma kufundwa? (1)
- 1.1.3 Bhala imiphumela leyatfolwa bodokotela uma bacedza kucwaninga Lomini ubhekise endzimeni yesibili. (1)
- 1.1.4 Khetsa YINYE imphendvulo lehambisana nalenkhulumo lelandzelako:
Kubona kalufifi kuchaza:
A Kubona kahle.
B Kubona kancane.
C Kubona kakhulu.
D Kubona eceleni. (1)
- 1.1.5 Bhala KUBILI lokusenzimeni yesitsatfu lokuyimitamo yabothishela yekusita Lomini etifundweni takhe. (2)
- 1.1.6 Catsanisa umehluko lokhona emkhatsini wetibuko temehlo nemabhayinokhula. (2)
- 1.1.7 Ucabanga kutsi kwamsita ngani Lomini kuhlangu kwakhe naSiphephile? Nika KUBILI. (2)
- 1.1.8 Ungabayala utsini bantfwana labahleka bantfu labanetidzingo letikhetsekile njengobe benta endzimeni yesitsatfu? (2)
- 1.1.9 Utsini umbono wakho ngekukhetfwa kwetifundvo etikhungweni temfundvo lephakeme njengobe boLomini naSiphephile benta endzimeni yesihlanu? (2)
- 1.1.10 Lamagama lacindzetelwe endzimeni yesikhombisa, abatjelani labafundza lethekesthi ngemango lahlala kuwo Lomini? Chaza. (2)
- 1.1.11 Phawula ngemavi labhalwe acindzetelwa endzimeni yekugcina. (2)
- 1.1.12 Kucashwa kwaLomini naSiphephile eTikweni Letemphilo nobe imisebenti iyindlala kangaka, kuvetani ngahulumende waseNingizimu Afrika? (2)

1.2 Fundza lesibonwa bese uphendvula imibuto lelandzelako.

ITHEKSTHI B



[Itsetfwe: <http://www.kingfeatures.com>]

- 1.2.1 Bhala KUNYE lokukhombisa kutsi labantfu labanetidzingo letikhetsekile labaseFREYIMINI ye-1 neye-3 banemakhono. (1)
- 1.2.2 Lendvuku lephetfwe nguloseFREYIMINI ye-4 imsita ngani? (1)
- 1.2.3 Letibonwa letingenhla tingabakhutsata njani bafundzi labanetidzingo letikhetsekile? (2)
- 1.2.4 Hulumende angabasita njani bafundzi labaphila nekukhubateka kute babe nemakhono njengalaba labakuletibonwa? (2)
- 1.2.5 Tfola budlelwano lobukhona emkhatsini watheksthi A emgceci locindzetelwe endzimeni ye-5 natheksthi B eFREYIMINI ye-2. (2)
- 1.2.6 Sibonwa lesiseFREYIMINI ye-1 kutheksthi B sehluke ngani kuloku lokusemgceci wekucala endzimeni ye-8 kuthesthi A. (2)

SAMBA SESIGABA A: 30

SIGABA B: SIFINYETO**UMBUTO 2**

Fundza lethekesthi bese uyayifinyeta ngewakho emagama la-80. Sifinyeto sakho asibe ngendlela yetindzima (emapharagrafu), sivete **emaphuzu lasikhombisa lakhomba kutsi kuvakasha kunemitselela lemhle esimeni sengcondvo yemuntfu.**

CAPHELA

1. Akukadzingeki kutsi ubhale sihloko.
2. Khombisa linani lemagama lowasebentisile ekugcineni kwesifinyeto sakho. (Linani lemagama alibe setibiyelweni.)

ITHEKSTHI C**KUVAKASHA**

Kuletikhatsi talomuhla kubalulekile kutsi umuntfu anakisise imphilo yakhe. Bantfu labanyenti bacabanga kutsi kuvakasha kwentelwe kubalekela tinkinga tasekhaya, umsebenti, inkhumbulo kantsi cha liciniso liyakuphikisa loko. Tikhona tintfo letentekako engcondvweni yemuntfu ngekuvakashela tindzawo letinyenti nje kuphela. IMatsamo Cultural Village lapho kufundziswa khona kugidza, kupheka nekweluka, esiciwini setinyamatane, elwandle naseGraskop nguletinye tindzawo letingavakashelwa.

Kuvakasha kuhle ngobe kukhaliphisa ingcondvo ngalokwecile ihlale iphilile. Bantfu bayakhona kutifundzisa emakhono lamasha ekuhambeni. Lamakhono baphindze bawasebentise nasebabuyela emuva emakhaya. Bavuka ekuseni emahhotela bativocavoce, belule tinyawo baphindze bahogele umoya lohlantekile ngembikwekulungiselela luhlelo lwabo lwalolosuku. Lokuhle ngekuvakasha kutsi kutfutukisa kutetsemba emphilweni yemuntfu ngobe kuba nemidlalo lengakavami kudlalwa emakhaya. Imidlalo lefana nekukhuphuka tintsaba, kubhukusha naleminyeyeyesabisako. Leyo midlalo ikhipha emakhono lebungacabangi kutsi unawo. Kutetsemba kungakwenta uphumelele emikhakheni leyehlukene yemphilo njengekubamba imihlangano nekucala libhizinisi.

Ngalesinye sikhatsi kuvakasha kuhle ngobe kwehlisa kucindzeteleka engcondvweni. Umtimba nengcondvo kuyakudzinga kuphumula. Kulesinye sikhatsi lokukhatsateka kwehliswa kutsi umuntfu uphumulile ekwenteni imisebenti yasekhaya lesentjetwa lidzimate liyewutilahla kunina. Lokunye lokuhle ngekuvakasha ngukutsi kukhulisa likhono lekuticambela tintfo engcondvweni njengekuticala libhizinisi, lokungasombulula inkinga yekweswelakala kwemisebenti kuletinsuku. Bantfu bangakubona wenta lokwehlukile emmangweni ngaloko lokubone ngalesikhatsi uvakashile.

Kutsatsa sinyatselo sekuvakashela lelinye live kukhomba kuvisisa kubaluleka kwekuvakasha. Umtselela lomuhle wekuvakasha ngukutsi ukhohlwa ngetehlakalo letibuhlungu letike takuvelela emphilweni letingahle tikubangele kugula. Kuhle kutsi umuntfu atinakekele kusenesikhatsi kunekutsi atsatse tinyatselo uma simo sesibucayi, singasalawuleki. Kuvakasha kuyindlela lenhle yekutinakekela kute uphile imphilo letfokotisako.

Titfo temtimba tihamba tikhatsale ngenca yetimo temsebenti nalokunye lokwentekako lokuphatamisa ingcondvo yemuntfu. Tifo letingelapheki setandzile kuletinsuku. Umtselela lomuhle wekuvakasha kwehlisa ematfuba ekutsi umuntfu angenwe sifo senhlitiyo. Labati kabanti ngemphilo batsi umuntfu udzinga ema-awa la-48 angasebentisi tintfo letifaka ithekhnoloji. Ithekhnoloji ibalulekile ngesikhatsi sayo hhayi ngesikhatsi sekuphumula.

Umuntfu uyakudzinga kuphumula emphilweni yakhe kute akhone kwenta tintfo ngendlela leyehlukile nalehlelekile.

[lhunyushwe isuselwa ku-<https://drifttravel.com>]

SAMBA SESIGABA B: 10

SIGABA C: TAKHI NETIMISO TEKUSETJENTISWA KWELULWIMI

UMBUTO 3: SIKHANGISI

Fundza lesikhangisi bese uphendvula imibuto lelandzelako.

ITHEKSTHI D

EMASOLAPHANELI AKASIKHANYISO

BUCIMI CIMI BAGEZI BEDLULISE KWEMANTI EMFULA!



- Titsengele emasolaphaneli lasebentisa emandla elilanga!
- Lamasolaphaneli atsandvwa ngulabahambisana nethekhnoloji.
- Emajaha njengobe esaba kugeza avike ngekuhamba kwagezi, kuwaphelele!
- Siyakutsengisela, sikufakele, sikunike neseophulelo.
- Sicandzisi sihlala sibandza nco! Awuphindzi wonakalelwe kudla.

Abita R3 500. Kunemigomo nemibandzela.



013 788 2463 makhithi@2023.mbomb.com



Makhithi Plaza 20, Mbombela.

[Itsetfwe: images.searches.yahoo.com]

3.1 Yini lengadvonsa batsengi kutsi basukumele etulu bayotsenga lamaphaneli? (1)

3.2 Lolokhangisako uyibhaleleni yaba yincane lefonti lefaka linani lelikhokhwako? (1)

3.3 Khetsa YINYE imphendvulo kuletilandzelako:

Lenkhulumo lehungako letsi, 'Sikunike nesephulelo' ichaza:

- A Kwengetela batsengi linani.
- B Kwentela batsengi linani.
- C Kwenyusela batsengi linani.
- D Kwehlisela batsengi linani. (1)

3.4 Yini kutsiwe lenkhulumo lelandzelako itsatsa luhlangotsi?
Lamosolaphaneli atsandvwa ngulabahambisana nethekhnoloji. (1)

3.5 Tsatsa ligama lethekhniki kulesikhangisi ulisebentise emshweni lotakhele wona. (2)

3.6 Lenkhulumo lelandzelako iluhlobo luni? Sekela imphendvulo yakho.
Emajaha njengobe esaba kugeza avike ngekuhamba kwagezi, kuwaphelele! (2)




3.7 Kungani kutsiwe lenkhulumo lengentasi iyimfundzisolite?
'Emanti ashisa ingunaphakadze.' (2)

[10]

UMBUTO 4: IKHATHUNI

Fundza lekhathuni bese uphendvula imibuto lelandzelako.

ITHESKTHI E

<p>IFREYIMU YE-1</p> <p>Mphatsi, umcosheleni lomntfwana wetfu singati tsine batali? Sifuna imphendvulo.</p> 	<p>IFREYIMU YE-2</p> <p>Ningangihlaseli ngemibuto ningena nje.</p> <p>Sikhatsi sidliwe yinja.</p> 
<p>IFREYIMU YE-3</p> <p>Emagunya ekuphatsa lesikolo nginikiwe. Ngilaleleni! Nguye kuphela lomfana lota netidzakamiva kulesikolo.</p> <p>Lomntfwana uyimvu yenkhosi. Nimcambela emanga. Banyenti labatidlako.</p> 	

[Itsetfwe: www.alamy.com]

- 4.1 Yini lekhombisa kutsi lomphatsi loseFREYIMINI ye-1 usendlini? (1)
- 4.2 Khokha umusho loseFREYIMINI ye-1 lonebuniyo uwubhale phasi. (1)
- 4.3 Phindza ubhale lomusho lolandzelako bese ubhala sinciphiso seligama leligcanyisiwe. (1)
- Sikhatsi sidliwe yinja.** (1)

- 4.4 Lesandla salona lomile loseFREYIMINI ye-3 sishoni? (1)
- 4.5 Sebentisa ligama 'imvu' emshweni livete umcondvo lowehlukile kunalona lovetwe kulekhathuni. (2)
- 4.6 Lenkhulumo lelandzelako kutsiwa itsatsa luhlangotsi. Chaza.
'Nguye kuphela lomfana lota netidzakamiva kulesikolo.' (2)
- 4.7 Lomphatsi ukhombisani ngalenkulumo lecindzetelwe eFREYIMINI ye-3? Sekela imphendvulo yakho. (2)

[10]

UMBUTO 5

Fundza lethekesthi bese uphendvula imibuto lelandzelako.

ITHEKSTHI F**KUHLANGANA KWEMNDENI**

Hholohholo! Sifikile sikhatsi saKhisimusi lapho kuciniswa khona budlelwane emindenini. Bantfwana baba semakhaya ngobe tikolo tivaliwe. Labadzala batfola emalanga ekuphumula emisebentini. Labanye bacashi babanika sikhatsi kute bakhone kuba nemindenini yabo. Leminye imindenini kuba ngematfuba lamahle ekuhlangana ngekwetibongo kute kujatjulwe kanye kanye. **Phela kusuke kusindvwe ngebelitfole.** 5
Ngalesikhatsi imindenini idlala tingoma, kudanswe kube mmandzi. Tipho tihamba embili, labanye babuyela emakhaya batfwele letitinhlobonhlobo ngobe kusuke kuntjintjiselwene ngato.

Ngesikhatsi saKhisimusi kunyenti lokungaba nemtselela lomubi emphilweni yemuntfu, lokufaka ekhatsi kunatsa emanti lamponjwana ngalokwecile. Lidladla liphitsitela bomake labaphekako. Emantfombatana anatsana netjwala akhohlwe kwelekelela emabhodweni. Labanye basuke babucala ngca. Kuyabonakala-ke kutsi kulenjabulo yaKhisimusi, kunetintfo lekumele batali baticaphele. Phela kuhlanguana bantfu labehlukahlukene ngemibono nangetimilo. Labanye bahamba sebente imikhuba lemibi, njengekuntjontjelana **tipho** nalokunye. 10
15

Bantfwana labancane kumele banikwe imigomo yekutiphatsa. Lemigomo lekumele ilandzelwe uma kuvakashiwe, ifaka ekhatsi kutsi emajaha alale odvwa elawini lawo. Tintfombi letindzala nato tilale todvwa entsangeni. Kubalulekile kutsi bantfwana bafundziswe kudlala lokwemukelile nalokungakemukelile. Bantfwana ababike uma badlaliswa ngendlela lengemukelile. 20

[Itsetfwe ku: *True Love* 12/2022]

5.1 Khokha umusho lonesiga senkhulumo lesisenzimeni yekucala uwubhale phasi. (1)

5.2 Khetsa YINYE imphendvulo kuletilandzelako:

Emagama lacindzetelwe kulomusho lolandzelako achaza kutsini?

Ngalesikhatsi semnyaka kusuke **kusindvwe ngebelitfole.**

- A Kugcwele kudla.
- B Kugcwele bantfu.
- C Kugcwele ematfole.
- D Kugcwele kakhulu.

(1)

- 5.3 Bhala lomusho lolandzelako esikhundleni seligama lelicindzetelwe ufake mcondvofana walo.
Kuyabonakala-ke kutsi **kulenjabulo** yakhisimusi, kunetintfo lekumele batali baticaphele. (1)
- 5.4 Tsata libito lelicindzetelwe '**tipho**' endzimeni yesibili wakhe ngalo umusho libe ngumentiwangco. (1)
- 5.5 Kuneligama lendzabuko lelisendzimeni yesibili, likhokhe wakhe ngalo umusho. (2)
- 5.6 Endzimeni yekugcina kunesento, '**dlala**' sitsatse ubhale ngaso umusho sikhombe kwenteka. (2)
- 5.7 Sebentisa ligama lelisiphawulo lelisendzimeni yekugcina emshweni lotakhele wona. (2)
- [10]**
- SAMBA SESIGABA C: 30**
SAMBA SAKO KONKHE: 70